

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI**

**DOKUMENT OKVIRNOG BUDŽETA
OPĆINE BANOVIĆI ZA PERIOD
2027. – 2029. GODINA**

Banovići, juni 2026. godine

SADRŽAJ:

1. UVOD
2. SREDNJOROČNE MAKROEKONOMSKE PRETPOSTAVKE I PROGNOZE
 - 2.1. Ekonomski rast
 - 2.2. Tržište rada
3. SREDNJOROČNA FISKALNA POLITIKA
4. POLITIKA PRIHODA ZA NIVO TUZLANSKOG KANTONA
5. BUDŽETSKI PRIORITETI ZA PERIOD 2027. – 2029 GODINA
6. PRIHODI BUDŽETA OPĆINE BANOVIĆI
 - 6.1. Porezni prihodi
 - 6.2. Neporezni prihodi
 - 6.3. Tekući transferi
 - 6.4. Rizici po projekcije prihoda
7. RASHODI BUDŽETA OPĆINE BANOVIĆI

Na osnovu člana 15., 16., 17. i 18. Zakona o budžetima u Federaciji Bosne i Hercegovine („Sl. novine Federacije BiH“, br.: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), Načelnik općine Banovići donosi:

DOKUMENT OKVIRNOG BUDŽETA OPĆINE BANOVIĆI ZA PERIOD 2027. – 2029. GODINA

1. UVOD

Srednjoročno planiranje budžeta je proces u kome se pripremaju procjene planiranja potrošnje i projekcije prihoda za srednjoročni period (za narednu budžetsku godinu i dvije nastupajuće). Srednjoročno planiranje je kontinuiran proces koji počinje srednjoročnom ekonomskom i fiskalnom prognozom, a završava se odobrenim konačnim budžetom i budućim procjenama.

Ključni cilj Dokumenta okvirnog budžeta (DOB) je da postavi makroekonomske, fiskalne i razvojne politike u središtu procesa planiranja i izrade budžeta, imajući u vidu činjenicu da je godišnji budžet jedan od osnovnih instrumenata kojima se realizuju ciljevi srednjoročne razvojne strategije općine.

Dokumentom okvirnog budžeta je prikazan sveobuhvatan okvir planiranja prihoda i primitaka i rashoda i izdataka.

U DOB-u za period 2027.-2029. godina su navedene gornje granice rashoda za 2027. godinu za svakog budžetskog korisnika. Usvajanjem ovog dokumenta, od budžetskih korisnika se očekuje da pripreme svoje detaljne zahtjeve za budžet 2027. godine u skladu sa ovim granicama.

U skladu sa odredbama člana 17. Zakona o budžetima Federacije Bosne i Hercegovine, Dokument okvirnog budžeta općine Banovići (DOB) za period 2027. – 2029. godina urađen je na osnovu sljedećih dokumenata Ministarstva finansija Tuzlanskog kantona:

- Smjernice ekonomske i fiskalne politike Tuzlanskog kantona za period 2027. – 2029. godine, broj: 02/1-11-16881/26 od 26.05.2026. godine,
- Makroekonomski pokazatelji za period 2024. – 2029. godina Direkcija za ekonomsko planiranje (DEP), mart 2026. godine,
- Revidirane projekcije prihoda od indirektnih i direktnih poreza gradova/općina Tuzlanskog kantona za 2026. godinu i projekcije za period 2027. – 2029. godina, broj: 07/1-11-15488/26 od 15.05.2026. godine,
- Revidiranih projekcija prihoda od indirektnih poreza za 2026. godinu i period 2027. – 2029. godina, broj: 05-11-142-1/26 od 19.05.2026. godina, dostavljenih od JU Direkcija regionalnih cesta Tuzlanskog kantona.

Srednjoročno planiranje budžeta zahtijeva maksimum zalaganja i disciplinu svih strana uključenih u budžetski proces, počev od Općinskog načelnika i nadležnih općinskih službi i Općinskog vijeća.

Služba za budžet i finansije općine Banovići dostavlja i predlaže općinskom Načelniku da razmotri i usvoji Dokument okvirnog budžeta općine Banovići za period 2027.-2029. godine, kao osnovu za pripremu, planiranje i izradu budžeta i finansijskih planova u općini Banovići za fiskalnu 2027. godinu.

2. SREDNJOROČNE MAKROEKONOMSKE PRETPOSTAVKE I PROGNOZE

Jedan od osnovnih preduslova održivog ekonomskog rasta te povećanja zaposlenosti jeste makroekonomska stabilnost. Makroekonomska stabilnost ostvarit će se efikasnim upravljanjem javnim finansijama kroz daljnje unapređenje procesa upravljanja državnim budžetom, fiskalnu konsolidaciju i efikasno upravljanje javnim dugom, jačanje sistema unutrašnjih finansijskih kontrola i unutrašnje revizije te razvojem makroekonomske statistike.

U ovome poglavlju riječ je o najnovijim makroekonomskim kretanjima u BiH, Federaciji BiH i Tuzlanskom kantonu, s fokusom na 2025. godinu, kao i o projiciranom makroekonomskom okviru za naredni srednjoročni period. Korišteni historijski podaci, koji su ujedno bili i osnov za izradu makroekonomskih procjena i projekcija, prikupljeni su od svih relevantnih statističkih institucija u zemlji, kao i ostalih relevantnih domaćih i međunarodnih institucija.

2.1. Ekonomski rast

U projekcijskom horizontu 2027. – 2029. godine očekuje se postepeno smirivanje inflatornih pritisaka u Bosni i Hercegovini i konvergencija ukupne inflacije prema stabilnijoj stopi od oko 2,7%, prvenstveno pod uticajem slabljenja eksternih šokova te stabilizacije cijena hrane i energenata na globalnom tržištu. Za razliku od prethodnog perioda, kada su unutrašnji i administrativni faktori uzrokovali značajne revizije projekcija naviše, u posmatranom srednjoročnom periodu predviđa se stabilizacija kretanja cijena, iako domaće tržište i dalje osjeća produžene efekte ranijih strukturnih poremećaja. Ključni unutrašnji rizici i dalje su vezani za kretanja na tržištu rada, gdje su ranija povećanja minimalne plate pokrenula opšti rast prosječnih nominalnih plata, što je stvorilo trajniji pritisak na troškovnu stranu ekonomije i zadržalo temeljnu inflaciju, posebno u uslužnom sektoru, na nešto višoj razini u odnosu na ukupnu inflaciju.

U kreiranju ekonomskih i fiskalnih politika za ovaj trogodišnji period posebna pažnja se posvećuje interakciji između rasta plata i potrošačkih cijena, koja se manifestuje kroz dvosmjernu vezu, odnosno spiralu cijena i plata. Uslijed povišene inflacije iz prethodnih godina, plate su djelimično rasle radi kompenzacije akumuliranog gubitka kupovne moći stanovništva, što je posljedično uvećalo inputne troškove privrednih subjekata i podstaklo zahtjeve za novim prilagođavanjem cijena. Iako intenzitet ovog procesa uzajamnog poticanja nije konstantan i zavisi od niza tržišnih faktora, prelijevanje efekata rasta plata na sektore sa visokim udjelom ljudskog rada i

dalje usporava brži pad bazične inflacije, što zahtijeva oprez pri planiranju budžetskih rashoda i kreiranju mjera za očuvanje cjenovne konkurentnosti domaćih proizvoda.

Ovakva dinamika na tržištu rada direktno utiče na ukupnu ekonomsku aktivnost i postavlja jasna ograničenja za naredni period, u kojem nije realistično očekivati rast zaposlenosti po ranijim, visokim stopama jer povećani troškovi rada ograničavaju agresivnije širenje kapaciteta u privatnom sektoru. Sa makroekonomskog aspekta, stalni rast nominalnih plata, uz stabilne prilive doznaka iz inostranstva, ostaje primarni oslonac lične potrošnje kao ključnog generatora realnog ekonomskog rasta, koji bi u srednjem roku trebao dosegnuti umjerenu i stabilnu stopu od oko 3,3%. S obzirom na prisutne rizike, fokus fiskalne politike u periodu 2027. – 2029. godine mora biti usmjeren na provođenje strukturalnih reformi koje povećavaju produktivnost rada, čime bi se amortizovali pritisci rasta troškova poslovanja i osigurala dugoročna stabilnost javnih prihoda.

Trenutno raspoloživi statistički podaci za 2025. godinu ukazuju da je u Bosni i Hercegovini nastavljen trend rasta ekonomske aktivnosti iz prethodne godine. Pored potrošnje, u Bosni i Hercegovini u 2025. godini nastavljen je i trend rasta ukupnih investicija.

S druge strane, određeni pokazatelji iz vanjskog okruženja kao i preliminarne podaci o vanjskotrgovinskoj robnoj razmjeni u Bosni i Hercegovini su nešto povoljniji u odnosu na prethodnu godinu. Naime, posljednji raspoloživi podaci Eurostat-a ukazuju na postepenu stabilizaciju ekonomskih prilika u zemljama EU koje su istovremeno i glavna izvozna tržišta za bosanskohercegovačke izvozne proizvode. Naime, prema podacima Eurostat-a rast BDP-a u zemljama EU 2025. godine iznosio je 1,5% što je nešto više u odnosu na prethodnu godinu kada je stopa rasta iznosila 1,1%. Ovaj oporavak izvozne tražnje u velikoj mjeri je doprinio stabilizaciji izvoza iz Bosne i Hercegovine nakon negativnih stopa rasta u prethodne dvije godine. Naime, procjena DEP-a je da je u 2025. godini došlo do povećanja ukupnog izvoza iz Bosne i Hercegovine od 2,6%, pri čemu je rast izvoza roba iznosio 3,3%, dok je izvoz usluga stagnirao. Pored povećanja izvoza, u 2025. godini u Bosni i Hercegovini usljed jačanja domaće tražnje (rast potrošnje i investicija) nastavljen je i trend rasta uvoza. Tako se procjenjuje da rast ukupnog uvoza iznosio 5,2%, pri čemu je rast uvoza roba iznosio 5,5% a usluga 1,9% u poređenju sa prethodnom godinom. Ovakva kretanja izvoza i uvoza u 2025. godini rezultirali su povećanjem vanjskotrgovinskog deficita u Bosni i Hercegovini od oko 13%, što je u konačnici rezultiralo negativnim doprinosom u ukupnom ekonomskom rastu od 1,7 p.p.

Trenutno raspoloživi izvještaji međunarodnih finansijskih institucija za 2026. godinu ukazuju na nastavak trenda rasta ekonomske aktivnosti ali i geopolitičkih nestabilnosti koje bi mogle imati negativne ekonomske posljedice kako u svijetu tako i u zemljama EU. Razvoj ovih dinamika u međunarodnom ekonomskom okruženju u velikoj mjeri će odrediti i ekonomska kretanja u Bosni i Hercegovini u narednom periodu. U skladu sa ovim međunarodnim kretanjima i u Bosni i Hercegovini u 2026. godini se može očekivati nastavak trenda rasta ekonomske aktivnosti. Naime, prema projekcijama DEP-a a na bazi raspoloživih podataka i makroekonomskih modela u Bosni i Hercegovini se u 2026. godine može očekivati realni rast BDP-a od oko 2,0%. Glavne pretpostavke u osnovnom scenariju ekonomskih kretanja u Bosni i Hercegovini za 2026. godinu predstavlja stabilizacija eksternih dinamika u vanjskom okruženju i internih dinamika u zemlji. U skladu s tim, očekuje se da bi domaća tražnja kroz

povećanje potrošnje i djelimično investicija trebala predstavljati glavno uporište projektovanog ekonomskog rasta, uz nešto pozitivniji doprinos vanjskog sektora u odnosu na prethodnu godinu. Prema projekcijama DEP-a, stagnacija broja zaposlenih, nastavak trenda rasta plata, povećan priliv doznaka građana iz inostranstva uz očekivanu inflaciju od 4,1% bi trebali rezultirati porastom raspoloživog dohotka građana što bi omogućilo nastavak trenda rasta privatne potrošnje u Bosni i Hercegovini od 1,4%. Pored privatne potrošnje, planirana povećanja budžeta na svim nivoima vlasti ukazuju na mogući rast javne potrošnje sa očekivanom stopom rasta od 2,2%. Očekivana povećanja kako privatne tako i javne potrošnje ukazuju da se u 2026. godini u Bosni i Hercegovini može očekivati rast finalne potrošnje od 1,6% uz pozitivan doprinos ekonomskom rastu od 1,4 p.p. Ako se ima u vidu da finalna potrošnja u strukturi BDP-a u Bosni i Hercegovini učestvuje sa oko 85%, može se zaključiti će ovaj projektovani rast potrošnje predstavljati ključno uporište ekonomskog rasta u zemlji. S druge strane, pored povećanja potrošnje unatoč određenim internim izazovima u Bosni i Hercegovini se očekuje i nastavak trenda rasta investicija. Međutim očekivana stopa rasta investicija je nešto niža u odnosu na prethodnu godinu i iznosi oko 4,7% uz pozitivan doprinos ekonomskom rastu od skoro 1,3 p.p. Pored domaće tražnje, u Bosni i Hercegovini se u 2026. godini očekuje nastavak trenda rasta ukupne vanjskotrgovinske razmjene. U skladu s tim, u 2026. godini u Bosni i Hercegovini se može očekivati povećanje ukupnog izvoza od 1,9%, pri čemu je očekivani rast izvoza roba 1,0% a rast izvoza usluga 4,2%. S druge strane, visok nivo domaće tražnje (porast potrošnje i investicije) rezultirao bi povećanjem ukupnog uvoza u Bosnu i Hercegovinu od 2,6%, pri čemu je očekivani rast uvoza roba 2,6% a uvoza usluga 3,2%. Ovakva kretanja izvoza i uvoza u 2026. godini rezultirali bi povećanjem vanjskotrgovinskog bilansa od 4,7% uz negativan doprinos ekonomskom rastu od 0,6 p.p. i pokrivenost uvoza izvozom od 75,6%.

Imajući u vidu navedeno u Federaciji BiH u tekućoj 2026. godini očekuje se skroman rast realne ekonomske aktivnosti od 2,0%, a za period 2027.–2029. godine prosječna stopa realnog rasta procjenjuje se na 3,0%.

Direkcija za ekonomsko planiranje (DEP), pri Vijeću Ministara Bosne i Hercegovine izradila je makroekonomske pokazatelje na nivou Bosne i Hercegovine, koji se daju u slijedećem tabelarnom pregledu:

-Tabela 1. Makroekonomski pokazatelji za period 2024 – 2029

Indikator	Zvanični podaci	Projekcije				
	2024	2025	2026	2027	2028	2029
Nominalni BDP u mil.KM	55.091	59.440	62.895	66.115	69.602	73.486
Nominalni rast u %	6	7,9	5,8	5,1	5,3	5
BDP deflator (prethodna godina=100)	103,4	105,7	103,7	102,5	102,2	102,1
Realni BDP u mil.KM (prethodna godina=100)	53.300	56.247	60.651	64.521	68.101	71.987
Realni rast u %	2,6	2,1	2	2,6	3	3,4
Inflacija mjerena indeksom potrošačkih cijena u %	1,7	4	4,1	2,2	2,1	2
Potrošnja u mil. KM	47.560	50.700	53.459	56.068	58.546	61.292
Realni rast u %	4,1	2,2	1,6	2,1	2	2,3
Vladina potrošnja u mil. KM	10.524	11.471	11.896	12.729	13.518	14.329
Realni rast u %	2,8	2,8	2,2	1,9	2,1	1,9
Privatna potrošnja u mil. KM	37.036	39.229	41.563	43.340	45.028	46.963
Realni rast u %	4,4	2	1,4	2,1	2	2,4
Investicije (bruto) u stalna sredstva u mil. KM	13.097	14.194	14.962	16.024	17.154	18.395
Realni rast u %	10,2	5,2	3,2	5,4	5,5	5,7
Vladine investicije u mil. KM	1.831	2.106	2.306	2.520	2.772	3.049
Realni rast u %	16,9	11,7	7,2	7,4	7,7	7,7
Privatne investicije u mil. KM	11.266	12.088	12.656	13.504	14.382	15.346
Realni rast u %	9,2	4,2	2,6	5	5,1	5,3
Uvoz u mil. KM	29.057	30.602	31.878	33.548	35.429	37.416
Nominalni rast u %	4,5	5,3	4,2	5,2	5,6	5,6
Realni rast u %	4,7	5,2	2,6	3,5	4,1	3,1
Izvoz u mil. KM	21.879	23.133	24.033	25.177	26.640	28.188
Nominalni rast u %	-0,2	5,7	3,9	4,8	5,8	5,8
Realni rast u %	-1,6	2,6	1,9	3,2	4,2	3,2
Nacionalna bruto štednja u % BDP-a	23,1	23,9	24,2	24,3	24,7	25,3
Bilans tekućeg računa u mil. KM	-1.860	-1.994	-2.088	-2.371	-2.631	-2.866
Rast u %	74,4	7,2	4,7	13,6	11	8,9
Bilans tekućeg računa u % BDP-a	-3,4	-3,4	-3,3	-3,6	-3,8	-3,9

IZVOR: DEP – mart 2026. godine

U posljednjem DEP-ovom dokumentu makroekonomskih projekcija napominje se da važnu odrednicu za ekonomska kretanja u Bosni i Hercegovini u periodu od 2027. godine, pored internih dinamika, predstavljaju i ekonomska kretanja u vanjskom okruženju, naročito u zemljama EU-27. DEP-ove projekcije makroekonomskih pokazatelja zasnivaju se na trenutno dostupnim srednjoročnim prognozama Evropske komisije (European Economic Forecast). Prema ovim projekcijama, očekuje se da će u posmatranom periodu privreda Evropske unije stabilizovati svoj realni ekonomski rast na stopama iznad 1,5%, dok bi se inflacija trebala trajno približiti ciljanoj razini od oko 2%, uz stabilnu stopu nezaposlenosti na nivou od oko 5,9%.

Veoma važnu odrednicu za ekonomska kretanja u Bosni i Hercegovini u periodu 2027.-2028. pored internih dinamika predstavljat će i ekonomska kretanja u vanjskom okruženju, naročito u zemljama EU27. Naime, posljednjih nekoliko godina svjetsku ekonomiju, a samim tim i ekonomska kretanja u Bosni i Hercegovina obilježile su veliki izazovi, kao što su globalna pandemija, sukobi u Ukrajini i Bliskom istoku, svjetska energetska kriza i dr. Negativne ekonomske posljedice ovih dešavanja na svjetsku ekonomiju su već vidljive i manifestuju se kroz trgovinske, finansijske, cjenovne šokove koji nisu zaobišli ni Bosnu i Hercegovinu. Naime, raniji izvještaji su pokazali da vanjsko okruženje (EU i zemlje regiona) predstavljaju veoma važnu strukturalnu odrednicu svih ekonomskih kretanja u Bosni i Hercegovini. Međutim, unatoč evidentnim nestabilnostima u svijetu referentne međunarodne institucije u svijetu kao što su MMF - Međunarodni Monetarni Fond, Svjetska Banka i Evropska Komisija u određenim publikacijama ukazuju na nastavak trenda ekonomskog rasta. Projicirana stopa globalnog ekonomskog rasta u toku ovog perioda iznosi oko 3%, dok DGECEFIN-a za zemlje EU u svom proljetnom izvještaju nastavak trenda ekonomskog rasta i stabiliziranje inflacije. S toga vrijedi istaći da se DEP prilikom pripreme ovog izvještaja u okviru projiciranja ekonomskih kretanja u međunarodnom ekonomskom okruženju koristio **trenutno dostupnim** izdanjem *Autumn 2025 Economic Forecasts (November 2025)*. Prema navedenom izvještaju projektovani realni ekonomski rast u Eurozoni u 2027. godini iznosi 1,4%, dok očekivana stopa inflacije iznosi 2,0%. Obzirom da vanjsko okruženje predstavljaju veoma važnu determinantu svih ekonomskih kretanja u Bosni i Hercegovini vrijedi istaći da će najnovija dešavanja imati odlučujuću ulogu za izgled ekonomskog rasta u zemlji u narednom periodu. Osim eksternih dinamika, jako bitan faktor za ekonomski rast u zemlji tokom programskog perioda 2027.-2028. godina predstavljat će i institucionalni kapacitet zemlje u provedbi strukturalnih reformi kako bi se ojačao doprinos internih dinamika u kreiranju istog. Daljnje uslozňjavanje kako eksternih tako i internih dinamika bi imalo veoma negativne posljedice po bosanskohercegovačku ekonomiju i smanjila njen potencijalni rast. Imajući u vidu navedene kako eksterne tako i interne okolnosti, prema projekcijama DEP-a u osnovnom scenariju za period 2027.-2029. godina u Bosni i Hercegovini se može očekivati ekonomski rast od oko 3,0% na godišnjem nivou (2027. 2,6% u 2028. 3,0% i 2029. godini 3,4%).

Pretpostavlja se da bi ključni oslonac ekonomskog rasta tokom ovog perioda trebala predstavljati domaća tražnja kroz povećanje privatne potrošnje i investicija. Naime, adekvatna provedba strukturalnih reformi (ERP, Reformska Agenda i ostali strateški dokumenti) doveli bi do povećanja ukupne ekonomske aktivnosti u zemlji kroz povećanje ukupne proizvodnje, broja zaposlenih, povećanja investicionih ulaganja (privatnih i javnih), kao i prihoda od izvoza (roba i usluga). U osnovnom scenariju se očekuje da bi ova dešavanja u konačnici rezultirala povećanjem raspoloživog dohotka

građana a samim tim i povećanjem privatne potrošnje koja će kao i prethodnih godina predstavljati ključni oslonac ekonomskog rasta. Tako se u periodu 2027. - 2029. godine očekuje prosječna stopa rasta privatne potrošnje od 2,2%. S druge strane, imajući u vidu visok nivo javne potrošnje u okviru BDP-a u Bosni i Hercegovini i napore koji se ulažu kroz proces fiskalne konsolidacije u Bosni i Hercegovini tokom ovog perioda očekuje se postepena stabilizacija javnih finansija kroz smanjenje javnih rashoda i istovremeno povećanje javnih prihoda kako bi se ograničio rast javne potrošnje. Tako se u periodu 2027.-2029. godina očekuje prosječni rast javne potrošnje od oko 2,0% na godišnjem nivou. Ako se ima u vidu da bi tokom ovog perioda projicirana stopa ekonomskog rasta bila viša u odnosu na rast javne potrošnje, udio iste u strukturi BDP-a bi se djelimično smanjio. U ovom vremenskom periodu očekuje se da bi mjerama fiskalne politike dio sredstava iz tekuće potrošnje trebao biti kanaliziran u svrhu jačanja investicione potrošnje u Bosni i Hercegovini. Samim tim, uz poboljšanje poslovnog ambijenta, investicije bi za razliku od prethodnih godina mogle imati značajniji rast a samim tim i veći doprinos u očekivanom rastu BDP-a. U periodu 2027.-2029. godina u Bosni i Hercegovini se očekuje povećanje investicija po prosječnoj godišnjoj stopi rasta od oko 5,5% (2027: 5,4%, 2028: 5,5% i 2029: 5,7%). U ovom vremenskom okviru pored povećanja privatnih investicija koje čine većinski dio ukupnih investicija (oko 85% ukupnih investicija u Bosni i Hercegovini) kao što je to i ranije navedeno, očekuje se i značajniji doprinos javnih investicija. Smatra se da bi napredak u procesu evropskih integracija u kombinaciji sa unapređenjem poslovnog okruženja kroz reformske procese mogli povećati interes kako domaćih tako i stranih investitora za investiciona ulaganja u Bosnu i Hercegovinu. S druge strane, obzirom na strukturu i poziciju ekonomije Bosne i Hercegovine, smatra se da će javne investicije predstavljati nešto važniju polugu za podsticanje ekonomskog rasta u srednjem roku. Projekti u okviru izgradnje putne infrastrukture i energetske projekti-zelena tranzicija, kao i raspoloživost sredstava kod međunarodnih finansijskih institucija bi uz adekvatnu i pravovremenu implementaciju istih mogli rezultirati godišnjim povećanjem javnih investicija od oko 7,5% na godišnjem nivou. Postepena stabilizacija u eksternom okruženju uz unaprijeđenje industrijske baze i podizanje konkurentnosti u zemlji predstavljaju preduslov poboljšanja vanjskotrgovinske razmjene sa svijetom. Međutim, za razliku od ranijih projekcija dodatni izazov bh. ekonomiju naročito u okviru izvozne orijentisane prerađivačke industrije i izvoza roba predstavljat će uvođenje CBAM-a (*Carbon Border Adjustment Mechanism*) od strane EU. Kašnjenja i parcijalna provedba potrebne regulative mogli bi značajno oslabiti međunarodnu konkurentnost bosanskohercegovačke ekonomije i oslabiti njenu vanjsku poziciju na izvoznim tržištima.

U tom slučaju u Bosni i Hercegovini se može očekivati nešto niži prosječni godišnji rast ukupnog izvoza od oko 3,5% (2027: 3,2%, 2028: 4,2% i 2029: 3,2%). Ovdje posebno treba naglasiti doprinos usluga, obzirom da je udio istih u posljednjih nekoliko godina značajno uvećan i vrlo često amortizovao određene gubitke u okviru izvoza roba koji su nastali usljed fluktuacija na međunarodnim tržištima. Tako bi tokom ovog perioda zahvaljujući ovom izvoznom rastu udio izvoza u BDP-u bio povećan na oko 38,5% na kraju 2029. godine. S druge strane, očekuje se da bi se uvoz u ovom vremenskom periodu trebao kretati po godišnjoj stopi rasta od 3,6% (2027: 3,5%, 2028: 4,1% i 2029: 3,1%). Posljedica ovakvog kretanja uvoznog rasta bila bi stabilizacija udjela uvoza u BDP-u na oko 50,5% BDP-a na kraju 2029. godine što bi rezultirao postepenom stabilizacijom vanjskotrgovinskog bilansa kao udio u BDP-u na

oko 12%, odnosno neutralnim doprinosom ekonomskom rastu, dok bi pokrivenost uvoza izvozom zaključno sa 2029. godinom trebala iznositi skoro 75%.

Srednjoročne projekcije javnih prihoda u Federaciji BiH prate makroekonomska očekivanja u kretanju onih agregata sa kojima su u značajnoj korelaciji. Obzirom na visok nivo nepredvidivosti krajnjeg ishoda ekonomskih tokova, moguće su i značajne promjene u realizaciji projekcija javnih prihoda. Neizvjesnost u vanjskom okruženju prepoznata je kao izraženiji rizik po ostvarenje prognoziranog srednjoročnog ekonomskog rasta. Od domaćih rizika značajan potencijalni negativni utjecaj moga bi imati spor tempo provođenja ekonomskih reformi. Poseban akcenat se stavlja i na obavezu provedbe reformi domaćeg zakonodavstva u oblasti zelene energije do 2027. godine, čija kašnjenja bi u značajnoj mjeri mogla ugroziti ukupnu konkurentnost Bosne i Hercegovine, te dovesti do pada domaćeg bruto proizvoda.

2.2. Tržište rada

Prosječan broj zaposlenih lica u periodu I-XII 2025. godine iznosio je 853,6 hiljada i nije se značajno mijenjao u odnosu na prethodnu godinu odnosno manji je za 0,1%. Analizirajući dešavanja po djelatnostima može se vidjeti da je najveći uticaj na broj zaposlenih lica u Bosni i Hercegovini u periodu I-XII 2025. godine bio kroz smanjeni obim proizvodnje u prerađivačkoj industriji gdje je broj zaposlenih lica smanjen za 3% g/g. U djelatnosti trgovine, koja uz prerađivačku industriju zapošljava najviše lica u Bosni i Hercegovini, broj zaposlenih je uvećan ali po znatno sporijoj stopi u odnosu na prošlu godinu (0,7% g/g). Broj registrovanih nezaposlenih lica se nastavio postepeno smanjivati i u prosjeku perioda I-XII 2025. godine bio je manji za 2,9% g/g i iznosio je oko 319,1 hiljada. U 2025. godini registrovan je snažan rast plata. Prosječna neto plata u Bosni i Hercegovini u periodu I-XII 2025. godine nominalno je uvećana za 13,7% g/g i iznosila je 1.570 KM. Realni rast prosječne neto plate iznosio je 9,3% uzimajući u obzir rast cijena – inflaciju.

Ukupna radna snaga u Bosni i Hercegovini na početku 2026. godine se smanjuje. Prema raspoloživim podacima BHAS-a u januaru 2026. godine broj zaposlenih lica bio je manji za 0,6% g/g i iznosi 850,1 hiljada dok je broj registrovanih nezaposlenih lica smanjen za 2,1% g/g i iznosio je 316,7 hiljada. Posmatrajući broj zaposlenih lica u Bosni i Hercegovini prema područjima djelatnosti, može se vidjeti da je najveći uticaj na broj zaposlenih lica bio kroz dešavanja u industrijskoj proizvodnji, a naročito u prerađivačkoj industriji. U djelatnosti prerađivačke industrije broj zaposlenih lica je smanjen za 2,9% g/g (negativan doprinos rastu od 0,5 p.p.). U djelatnosti koja zapošljava najviše lica zajedno sa prerađivačkom industrijom trgovina na veliko i malo, popravka motornih vozila i motocikala takođe je došlo do smanjenja broja zaposlenih lica za 0,4% g/g (negativan doprinos rastu ukupnog broja zaposlenih od 0,1 p.p.). Pored trgovine, jednak negativan doprinos rastu broja zaposlenih bio je u djelatnosti pružanja smještaja, te pripreme i usluživanja hrane kao i ostalih uslužnih djelatnosti. Istovremeno prosječna neto plata iznosi 1.644 KM i nominalno je uvećana za 9% (realni rast 5,3%). Bitno je napomenuti da je početkom 2026. godine došlo do uvećanja najnižih plata u oba entiteta što doprinosi rastu prosječne neto plate. Projekcije na tržištu rada do kraja 2026. godine uglavnom su bazirane na očekivanom ekonomskom rastu u posmatranom periodu, odnosno ambijentu poslovanja koji determiniše nivo ekonomske aktivnosti. ECB u svojim posljednjim projekcijama u martu 2026. godine predviđa da bi stopa nezaposlenosti u eurozoni mogla ostati nepromijenjena u odnosu

na prethodnu godinu i iznositi 6,3%, uz usporen rast broja zaposlenih lica od 0,5% g/g. Prema projekcijama DEP-a u Bosni i Hercegovini u 2026. godini se očekuje ekonomski rast od 2% g/g praćen usporenim rastom investicija, uvoza i izvoza u odnosu na prethodnu godinu što ukazuje da bi broj zaposlenih lica mogao stagnirati u odnosu na prethodnu godinu. Pored toga, rast prosječne neto plate bi mogao iznositi oko 9% g/g u posmatranoj godini. Bitno je napomenuti da projekcije na tržištu rada zavise od navedenih rizika koji bi mogli uticati na pretpostavljeni rast plata kao i broj zaposlenih lica.

Projekcije za osnovne indikatore na tržištu rada u periodu 2027-2029. godine bazirane su na analizi ekonomskog rasta kao i njegovih osnovnih komponenti, odnosno obimu potražnje, trgovine, industrijske proizvodnje i investicija. Pored toga, bitno se osvrnuti na dešavanja u EU odnosno na raspoloživa predviđanja stručnjaka međunarodnih institucija. ECB-predviđa u 2027-2028. godini nešto brži ekonomski rast (u odnosu na 2026. godinu) uz stopu nezaposlenosti u eurozoni od 6,3% i 6,2% respektivno. Istovremeno, u posmatranom periodu, se očekuje rast broja zaposlenih lica od 0,4%. Prema projekcijama DEP-a, u periodu 2027-2029. godine, u Bosni i Hercegovini se takođe očekuje brži ekonomski rast u poređenju sa 2026. godinom. Uz bolju poslovnu klimu očekuje se povećanje broja zaposlenih lica u periodu 2027-2029. godine od 1%-1,5% g/g i postepeno smanjenje broja nezaposlenih lica, ali i nastavak uvećanja neto plata od 5,7%-6% g/g. Kao i prethodnih godina, očekuje se da bi doprinos rastu broja zaposlenih mogao biti skromniji u javnom sektoru u odnosu na ostala područja djelatnosti. Najveći broj zaposlenih lica bi mogao ostati i dalje u oblasti trgovine i prerađivačke industrije koje ujedno zapošljavaju najviše lica (oko 37%). Ipak, rast plata i broja zaposlenih lica determinasni je identifikovanim rizicima.

3. SREDNJOROČNA FISKALNA POLITIKA

Fiskalna politika, usklađena je sa mjerama Reformske agende Bosne i Hercegovine za period 2024–2027, koja je usvojena u okviru Plana rasta Evropske unije za Zapadni Balkan. U 2026. godini i narednom srednjoročnom periodu fokusirana je na podršku makroekonomskom rastu, s ciljem povećanja fiskalnog prostora kroz politike koje promovišu dugoročni rast i suzbijanje sive ekonomije. Ključne aktivnosti prvenstveno podrazumijevaju djelovanje u pravcu stvaranja povoljnog i stabilnog poslovnog okruženja, atraktivnog za povećan priliv domaćih i stranih investicija, kao glavnog generatora projektovanog srednjoročnog makroekonomskog rasta. Provedbu planiranih aktivnosti i dalje prati nastavak reformi s ciljem kreiranja stabilnog poreznog sistema i njegovog približavanja standardima Evropske unije.

Vlada Tuzlanskog kantona bit će usmjerena na oblikovanje fiskalne politike u cilju promovisanja konkurentnosti, povećanja efikasnosti javnog sektora te jačanja upravljanja javnim finansijama, kako na strani prihoda tako i na strani rashoda budžeta, kao i na pitanje povrata vanjskog duga. Prioriteti u oblasti porezne politike i javnih prihoda u FBiH, a koji će imati utjecaj na Tuzlanski kanton, za period 2027. – 2029. godina bit će usmjereni na nastavku aktivnosti izrade prijedloga zakonskih rješenja kojima će se doprinijeti osiguranju i očuvanju ambijenta pogodnog privrednom rastu, sa stabilnim i predvidivim uslovima poslovanja, te poboljšanju naplate javnih prihoda, kao jednog od osnovnih agregata za planiranje razvojnih, socijalnih i ostalih društvenih potreba i obaveza. Također, kao i u proteklom periodu, nastavlja se kontinuirano

provođenje aktivnosti na pojačanom inspekcijskom nadzoru s ciljem poticanja poštivanja propisa u cilju poboljšanja porezne discipline, suzbijanja sive ekonomije, te postizanja efikasnije naplate javnih prihoda.

4. POLITIKA PRIHODA ZA NIVO TUZLANSKOG KANTONA

Srednjoročne projekcije javnih prihoda u Federaciji Bosne i Hercegovine zasnovane su na pozitivnim makroekonomskim očekivanjima u pogledu kretanja ključnih ekonomskih agregata sa kojima su javni prihodi u značajnoj korelaciji. U cilju očuvanja fiskalne stabilnosti i discipline, u okviru osnovnog scenarija uključeni su i procijenjeni efekti pojedinih rizika koji mogu utjecati na ostvarenje makroekonomskih projekcija.

Projekcije prihoda usko su povezane sa očekivanim kretanjima domaće i međunarodne ekonomije, uključujući efekte usporavanja privredne aktivnosti u zemljama Evropske unije, inflatornih pritisaka, geopolitičkih i sigurnosnih izazova, kao i poremećaja na globalnom tržištu energenata i roba. S obzirom na neizvjesnost budućih ekonomskih i finansijskih kretanja, moguće su značajne promjene u krajnjim makroekonomskim pokazateljima, a samim tim i u projekcijama javnih prihoda.

Srednjoročne projekcije prihoda za period 2027-2029. godina prate makroekonomske prognoze za navedeni period, uz zadržani nivo opreznosti i konzervativnosti u procjenama.

Kada je riječ o projekcijama prihoda od indirektnih poreza, iste su bazirane na srednjoročnom Planu naplate ukupnih prihoda na Jedinstvenom računu, preuzetom od strane Odjeljenja za makroekonomsku analizu Upravnog odbora Uprave za indirektno oporezivanje (OMA) iz maja 2026. godine. Na osnovu srednjoročnih kretanja krajnje potrošnje izvršena je procjena učešća Federacije BiH u međuentitetskoj raspodjeli, dok je projekcija raspoloživog dijela ovih prihoda za raspodjelu korisnicima Federacije BiH, po godinama, zasnovana i na planu otplate vanjskog duga u periodu 2027-2029. godina.

Svaki neplanirani događaj u 2026. godini, koji se u značajnoj mjeri može odraziti na pretpostavljene iznose javnih prihoda, eventualno će dovesti i do vanrednog revidiranja projekcija prihoda.

Zakonom o pripadnosti javnih prihoda u Federaciji BiH („Službene novine Federacije BiH“ broj: 22/06, 43/08, 22/09, 35/14, 94/15 i 17/22) je detaljno definisana raspodjela prihoda od indirektnih poreza između Federacije, kantona, jedinica lokalne samouprave i direkcije za ceste.

Projekcije prihoda sa Jedinственог računa trezora za nivo Tuzlanskog kantona u narednom trogodišnjem periodu su slijedeće:

-Tabela 2. -Projekcije prihoda sa Jedinственог računa za Tuzlanski kanton

Indirektni porezi (KM)	Projekcija 2027.	Projekcija 2028.	Projekcija 2029.
Tuzlanski kanton ukupno (I + II + III)	595.126.249,00	624.529.562,00	660.300.595,00
I Kanton	486.183.863,00	510.204.677,00	539.427.549,00
II Gradovi / općine TK ukupno	85.723.683,00	89.959.019,00	95.111.582,00
III JU Direkcije regionalnih cesta Tuzlanskog kantona	23.218.703,00	24.365.866,00	25.761.464,00

Raspodjela prihoda od indirektnih poreza sa Jedinственог računa za 2027. godinu za nivo Tuzlanskog kantona očekuje se u iznosu od 595.126.249,00 KM, od čega se na Kanton odnosi iznos od 486.183.863,00 KM, za gradove/općine iznos od 85.723.683,00 KM i JU Direkciju regionalnih cesta Tuzlanskog kantona iznos od 23.218.703,00 KM.

Projekcije prihoda od poreza na dohodak, uključujući zaostale obaveze po osnovu poreza na plaće, za nivo kantona su slijedeće:

-Tabela 3. -Projekcije prihoda od poreza na dohodak

Porez na dohodak (KM)	Projekcija 2027.	Projekcija 2028.	Projekcija 2029.
Tuzlanski kanton ukupno (I + II)	179.333.095,00	193.282.340,00	208.853.552,00
I Kanton	108.420.793,00	116.854.198,00	126.268.207,00
II Gradovi / općine TK ukupno	70.912.302,00	76.428.142,00	82.585.345,00

Raspodjela prihoda od indirektnih poreza sa Jedinstvenog računa za gradove/općine Tuzlanskog kantona očekuje se u sljedećim iznosima za period 2027.-2029. godina:

-Tabela 4. -Projekcije prihoda sa Jedinstvenog računa za gradove / općine TK u KM

Gradovi / Općine TK	Projekcija 2027.	Projekcija 2028.	Projekcija 2029.
BANOVIĆI	3.984.988,00	4.181.874,00	4.421.398,00
GRAČANICA	7.987.667,00	8.382.313,00	8.862.425,00
GRADAČAC	7.877.096,00	8.266.279,00	8.739.744,00
KALESIIJA	6.660.812,00	6.989.902,00	7.390.261,00
KLADANJ	2.401.608,00	2.520.264,00	2.664.616,00
ČELIĆ	2.007.974,00	2.107.182,00	2.227.874,00
LUKAVAC	8.239.770,00	8.646.871,00	9.142.136,00
SREBRENİK	8.049.587,00	8.447.292,00	8.931.126,00
TUZLA	21.415.441,00	22.473.510,00	23.760.720,00
ŽIVINICE	11.764.782,00	12.346.042,00	13.053.184,00
DOBOJ ISTOK	1.981.437,00	2.079.333,00	2.198.431,00
SAPNA	2.038.934,00	2.139.671,00	2.262.225,00
TEOČAK	1.313.587,00	1.378.487,00	1.457.442,00
UKUPNO:	85.723.683,00	89.959.020,00	95.111.582,00

Prihodi od poreza na dohodak na nivou gradova/općina TK za period 2027.-2029. godina projiciraju se kako slijedi:

-Tabela 5. -Projekcije poreza na dohodak za općine TK u KM

Gradovi / Općine TK	Projekcija 2027.	Projekcija 2028.	Projekcija 2029.
BANOVIĆI	4.087.747,00	4.405.708,00	4.760.641,00
GRAČANICA	6.258.877,00	6.745.717,00	7.289.165,00
GRADAČAC	4.986.158,00	5.374.001,00	5.806.941,00
KALESIIJA	3.298.459,00	3.555.026,00	3.841.426,00
KLADANJ	2.266.131,00	2.442.400,00	2.639.165,00
ČELIĆ	1.252.636,00	1.350.071,00	1.458.835,00
LUKAVAC	6.594.134,00	7.107.052,00	7.679.610,00
SREBRENİK	4.287.405,00	4.620.896,00	4.993.165,00
TUZLA	25.201.702,00	27.161.991,00	29.350.215,00
ŽIVINICE	7.771.357,00	8.375.844,00	9.050.619,00
DOBOJ ISTOK	3.038.622,00	3.274.978,00	3.538.817,00
SAPNA	1.074.514,00	1.158.094,00	1.251.392,00
TEOČAK	794.560,00	856.364,00	925.354,00
UKUPNO:	70.912.302,00	76.428.142,00	82.585.345,00

5. BUDŽETSKI PRIORITETI ZA PERIOD 2027. – 2029. GODINA

Osnovna funkcija DOB-a općine Banovići za period 2027. – 2029. godina je da pored osiguranja fiskalne discipline budžetskih korisnika osigura alokaciju budžetskih sredstava u skladu sa strateškim prioritetima utvrđenim u Strategiji razvoja općine Banovići za period 2017. – 2027. godina.

Uspješnost razvoja Općine mjerit će se sposobnošću da se prevladaju uočene slabosti i prijetnje bržem rastu, ali isto tako će se iskoristiti razvojni potencijali koji nesumnjivo postoje. U tom smislu predložena su sljedeća strateška i dugoročna opredjeljenja općine:

- Održiv ekonomski razvoj
- Razvoj inkluzivnog, prosperitetnog i modernog društvenog sektora
- Resursno efikasan i održiv infrastrukturni i prostorni razvoj u funkciji zaštite okoliša
- Efikasna javna administracija u funkciji unapređenja kvaliteta života građana i privlačenja investicija u svim aspektima razvoja.

Ako uzmemo u obzir nestabilnost ekonomije koja nam se dešava posljednjih godina, veoma oprezno se pristupilo planiranju rashoda i određivanju njihove gornje granice. Posebno se vodilo se računa o budžetskim principima uravnoteženosti i ekonomičnosti. S toga je neophodno nastaviti mjere štednje i smanjenje potrošnje iz budžeta planiranih za razdoblje 2027. – 2029. godina.

6. PRIHODI BUDŽETA OPĆINE BANOVIĆI

Očekivani nivo ukupnih prihoda i primitaka u Budžetu općine Banovići za 2027. godinu iznosi 22.152.605,00 KM i u poređenju sa planiranim iznosom u 2026. godini koji iznosi 21.690.650,00 KM veći je za 2,13%.

Projicirani nivo prihoda u 2028. godini iznosi 22.626.950,00 KM a u 2029. godini 23.205.570,00 KM. Iz datih projekcija može se vidjeti da je projicirani iznos ukupnih prihoda u 2028. godini veći za 2,14 % u odnosu na 2027. godinu, a projicirani prihodi u 2029. godini veći za 2,56 % u odnosu na projekcije za 2028. godinu.

Projekcije prihoda od indirektnih i direktnih poreza za Budžet općine Banovići za period 2027- 2029. godina zasnivaju se na projekcijama dostavljenim od strane Ministarstva finansija TK za gradove/općine Tuzlanskog kantona iz mjeseca maja 2026.godine i projekcijama JU Direkcije regionalnih cesta TK.

U slijedećoj tabeli su navedene projekcije prihoda i primitaka u Budžetu općine Banovići za period 2027.-2029.godina.

-Tabela 6. - Prihodi, primici i finansiranje Budžeta općine Banovići u KM

	IZVRŠENJE	PLAN	PROJEKCIJE		
	2025. godina	2026. godina	2027. godina	2028. godina	2029. godina
I UKUPNABUDŽETSKA SREDSTVA (A+B+C)	11.789.533,00	15.093.135,00	18.327.075,00	18.801.750,00	19.370.450,00
A.Poreski prihodi	8.528.673,00	8.422.175,00	9.086.960,00	9.638.740,00	10.294.370,00
Porez na imovinu	530.308,00	454.260,00	480.470,00	492.980,00	505.950,00
Porez na dohodak	3.567.715,00	3.802.415,00	4.087.745,00	4.405.705,00	4.760.640,00
Prihodi od indirektnih poreza	4.430.650,00	4.165.500,00	4.518.745,00	4.740.055,00	5.027.780,00
B.Neporezni prihodi	3.200.068,00	6.611.960,00	9.182.715,00	9.106.010,00	9.019.480,00
Prihodi od pod. aktivnosti i imovine	1.330.941,00	1.483.865,00	1.862.295,00	1.995.465,00	2.044.605,00
Naknade i takse i prihodi od javnih usluga	1.864.834,00	5.124.095,00	7.316.070,00	7.106.085,00	6.970.095,00
Novčane kazne	4.293,00	4.000,00	4.350,00	4.460,00	4.780,00
C.Primici	60.792,00	59.000,00	57.400,00	57.000,00	56.600,00
II NAMJENSKA SREDSTVA,GRANTOVI, DONACIJE, PRIMICI I VLASTITA SREDSTVA	1.956.001,00	6.597.515,00	3.825.530,00	3.825.200,00	3.835.120,00
Primljeni tekući i namjenski transferi	110.703,00	125.000,00	125.000,00	125.000,00	125.000,00
Kapitalni transferi	1.653.186,00	6.306.895,00	3.500.000,00	3.500.000,00	3.500.000,00
Prihodi od pruž. Javnih usluga-vlastiti prihodi	192.112,00	165.620,00	200.530,00	200.200,00	210.120,00
UKUPNO PRIHODI, PRIMICI I FINANSIRANJE (I+II)	13.745.534,00	21.690.650,00	22.152.605,00	22.626.950,00	23.205.570,00

6.1. Porezni prihodi

Ukupni porezni prihodi u 2027. godini predviđaju se u iznosu od 9.086.960,00 KM što je za 664.785,00 KM ili 7,89 % veće u odnosu na ove planirane prihode za 2026. godinu. U narednoj godini ovi prihodi procjenjuju se sa povećanjem od 6,07 % u odnosu na projiciranu 2027. godinu i u 2029. godini za 6,80 % u odnosu na 2028. godinu.

Prihodi od indirektnih poreza su porez na dodanu vrijednost (PDV) i porezi koji pripadaju Direkcijama cesta. Najznačajniji u ovoj grupi prihoda je prihod od PDV-a, koji je preuzet iz revidiranih projekcija prihoda od indirektnih i direktnih poreza općina Tuzlanskog kantona za 2025. godinu i projekcije za period 2027.-2029. godina broj: 07/1-11-15488/26 od 15.06.2025. godine i revidiranih projekcija prihoda od indirektnih poreza JU Direkcije regionalnih cesta za 2026. godinu i period 2027.-2029. godina broj: 05-11-142-1/26 od 19.05.2026. godine i projicirani su u iznosu od 4.518.745,00

KM za 2027. godinu, što je za 8,48 % veće u odnosu na planirane za 2026. godinu. Predviđeni iznos u 2028. godini iznosi 4.740.055,00 KM i veći je za 4,90 % od iznosa predviđenog u 2027. godini i u 2029. godini projiciran je iznos od 5.027.780,00 KM što je za 6,07 % više u odnosu na projiciranu 2028. godinu.

Prihod od poreza na dohodak se u 2027. godini procjenjuje u iznosu od 4.087.745,00 KM sa povećanjem od 7,50% u odnosu na planiranu 2026. godinu u kojoj je planirano ostvarenje 3.802.415,00 KM. Prema projekcijama, prihodi od poreza na dohodak u 2028. godini iznose 4.405.705,00 KM i ovi prihodi se povećavaju za 7,78% u odnosu na 2027. godinu. Daljnji rast ovih prihoda predviđa se i u 2029. godini za koju je planirano ostvarenje u iznosu od 4.760.640,00 KM što je za 8,06% više u odnosu na iznos projekcije za 2028. godinu.

6.2. Neporezni prihodi

Neporezni prihodi uključuju: prihodi od finansijske i nematerijalne imovine, prihodi od iznajmljivanja i zakupa, naknade i takse, naknade po osnovu dodjele i korištenja građevinskog zemljišta i zauzimanja javnih površina, posebne naknade.

Očekivani ukupni iznos prikupljenih neporeznih prihoda (uključujući i vlastite prihode) u 2027. godini iznosi 9.383.245,00 KM. Projekcije neporeznih prihoda u 2028. godini iznosi 9.306.210,00 KM i u 2029. godini 9.229.600,00 KM.

Veoma značajan prihod u ovoj grupi prihoda su sredstva koja se planiraju ostvariti od davanja prava na eksploataciju prirodnih resursa. Ova sredstva planiraju se u iznosu od 1.692.320,00 KM u 2027. godini i čine 18,04% ukupno planiranih neporeznih prihoda.

6.3. Tekući transferi

Primljeni tekući i kapitalni transferi od ostalih nivoa vlasti projicirani su za 2027. godinu u iznosu od 3.625.000,00 KM, što je za 43,64 % manje u odnosu na planiranu 2026. godinu. U narednim 2028. godini i 2029. godini, primljeni transferi se planiraju u istom iznosu kao i u 2027. godini.

6.4. Rizici po projekcije prihoda

Uzimajući u obzir da su rizici po projekcije prihoda u posmatranom trogodišnjem periodu dominantno determinisani eksternim geopolitičkim i makroekonomskim kretanjima, stepen neizvjesnosti planiranja i dalje se nalazi na visokom nivou. Glavni eksterni rizici više nisu vezani isključivo za akutne šokove energetske krize, već prvenstveno za prolongirane geopolitičke tenzije u Evropi i svijetu, rizik od fragmentacije globalnih lanaca snabdijevanja te sporiji oporavak i stagnaciju privredne aktivnosti u zemljama EU-27, što direktno utiče na izvoznju tražnju industrijskog sektora.

Na unutrašnjem planu, ostvarenje projektovanih prihoda u znatnoj mjeri zavisi od specifične administrativne organizacije Federacije BiH i kompleksnog sistema donošenja odluka, koji mogu usporiti dinamiku provođenja neophodnih reformskih mjera. Eventualna odgađanja u implementaciji strukturalnih reformi i kašnjenja u realizaciji ključnih infrastrukturnih projekata predstavljaju stalni rizik po stabilnost ekonomskog rasta. Pored toga, značajan interni rizik predstavlja pritisak na operativne troškove poslovanja uslijed ranijih administrativnih povećanja minimalne plate i lančanog rasta prosječnih plata. Ukoliko rast plata ne bude praćen adekvatnim rastom produktivnosti, postoji opravdan rizik od narušavanja cjenovne konkurentnosti domaćih proizvoda na inostranom tržištu i hlađenja tržišta rada kroz usporavanje zaposlenosti. Ovaj trend, kombinovan sa kontinuiranom emigracijom stanovništva i deficitom kvalifikovane radne snage, direktno ograničava širenje proizvodnih kapaciteta i dugoročno može rezultirati sporijim rastom realnog BDP-a od projektovanog.

Značajan interni rizik predstavlja i stabilnost energetskeg sektora, s posebnim akcentom na procese dekarbonizacije i uvođenje prekograničnih taksi na ugljični dioksid (CBAM). Iako proizvodni kapaciteti i dalje znatno zavise od hidroloških prilika, gdje nepovoljni klimatski uslovi mogu negativno uticati na bilans električne energije i fizički obim industrijske proizvodnje, novi talas rizika vezan je za tranziciju energetskeg sektora i potrebu za stabilnim obezbjeđenjem električne energije iz obnovljivih izvora kako bi se očuvala cjenovna konkurentnost izvozno orijentisanih preduzeća.

Konačno, ostvarenje operativno raspoloživih prihoda od indirektnih poreza za budžetske korisnike u Federaciji BiH direktno je uslovljeno kretanjem i visinom otplate vanjskog duga. Ukupan iznos prihoda sa Jedininstvenog računa koji se raspoređuje Federaciji BiH automatski se umanjuje za iznos sredstava potrebnih za servisiranje inostranog duga FBiH. S obzirom na dospijeće ranijih kreditnih obaveza u ovom projekcijskom horizontu, dinamika servisiranja vanjskog duga predstavljat će značajnu odrednicu koja direktno utiče na neto fiskalni prostor i likvidnost budžeta.

7. RASHODI BUDŽETA OPĆINE BANOVIĆI

Rashodi i izdaci Budžeta općine Banovići za 2027. godinu projicirani su u okviru prognoziranih prihoda i iznose 22.047.605,00 KM, za 2028. godinu iznose 22.521.950,00 KM i za 2029. godinu iznose 23.205.570,00 KM.

U narednoj tabeli dat je pregled javnih rashoda kroz izvršenje u prethodnoj godini, plan tekuće godine i projekcije za naredne tri godine. Ovakva analiza je važan element procesa srednjoročnog planiranja budžeta jer daje osnovu za izradu planova budžetske potrošnje i gornjih granica rashoda.

-Tabela 7. -Rashodi, izdaci i finansiranje budžeta općine Banovići za period 2027. – 2029. godina

	IZVRŠENJE	PLAN	PROJEKCIJE		
	2025. godina	2026. godina	2027. godina	2028. godina	2029. godina
Bruto plaće i naknade plaća	4.060.767,00	4.914.320,00	5.405.760,00	5.946.330,00	6.540.970,00
Naknade troškova zaposlenih	761.463,00	926.700,00	897.330,00	924.810,00	901.710,00
Doprinosi poslodavca	354.224,00	297.520,00	327.410,00	360.160,00	396.170,00
Izdaci za materijal, sitni inventar i usluge	1.928.599,00	3.490.220,00	3.668.745,00	3.703.295,00	3.731.595,00
Tekući transferi i drugi tekući rashodi	3.557.923,00	5.256.900,00	5.246.730,00	5.280.255,00	5.280.455,00
Kapitalni transferi	59.375,00	160.000,00	165.000,00	165.000,00	165.000,00
Izdaci za nabavku stalnih sredstava	1.911.321,00	5.890.690,00	5.778.230,00	5.599.530,00	5.662.830,00
Izdaci za otplate dugova	383.909,00	390.200,00	358.400,00	342.570,00	326.840,00
Tekuća rezerva	114.828,00	200.000,00	200.000,00	200.000,00	200.000,00
UKUPNO	13.132.409,00	21.526.550,00	22.047.605,00	22.521.950,00	23.205.570,00

2027. i 2028. godine, planiran je iznos od po 105.000,00 KM za pokriće dijela akumuliranog deficita iz prethodnih godina.

Plaće i naknade troškova zaposlenih sa doprinosima poslodavca projicirane za 2027. godinu iznose 6.630.500,00 KM i veće su za 491.960,00 KM u odnosu na plan 2026. godine.

Predviđeni prihodi ali i rashodi u Dokumentu okvirnog budžeta općine Banovići, kako za izdvajanja za bruto plaće, doprinose poslodavca i naknade troškova zaposlenih tako i za materijalne troškove odnose se samo na zaposlene u Općinskoj upravi jer po uspostavi Registra javne ustanove i ostali korisnici budžeta, nisu dobile status budžetskog korisnika i dalje su, do sticanju uslova na prelazak za budžetskog korisnika, ostali u transferu.

U skladu sa članom 18. Zakona o budžetima u Federaciji Bosne i Hercegovine („Sl. novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26) nakon usvajanja od strane Općinskog načelnika, ovaj dokument bit će objavljen na web stranici Općine Banovići i dostavljen Općinskom vijeću Banovići, uz Nacrt budžeta za 2027. godinu, u vidu informacije.

Bosna i Hercegovina
Federacija Bosne i Hercegovine
Tuzlanski kanton
Općina Banovići
Općinski načelnik
Broj: 01-04- 2367/26
Banovići: 11.06.2026. godine

OPĆINSKI NAČELNIK

dr. sci. Mehmed Hasanović